

114 年全國語文競賽臺灣原住民族語言朗讀文章 【拉阿魯哇語】 國中學生組 編號 2 號

ariatukuranaku

talumuka ariatukurana cacalaisa tavahlihla, umariva acancancihli
mamaini, acancancihli cucu'u, rianu hliangahli naana arataisa, maruaku
kani'i mavacangu iavavacanga, ariatukuranana unumu caihli siangusipiana,
nani ia apulavauku asapuahliatuhlungaku.

milaluvu ihlaku puaruma ariatukuranana, mualualu ma ahliacuvungaku
taisa hlamaranaru parana mitahlahluna, tapiamia mitahlahluta
rianu matavuhliu, marumana upatu kiana talukuluka tauhlukai,
hlimusiriaisata parana mitahlahluna, ausi hlituhlumahlumanua taisa cucu'u,
maiatuhluhlu ariatukuranahlamuna, karukuhlu miungu sipasaulaula'u,
makacania taiatahlahluna, milisana mamaini, marua laulauvu pisuavaturu
tauhlukai, marua mitahlahlu, taula'u vahliungu, mutuavaluvalicu
ariatukuranana.

taparana mitahlahlua hliacuvunga ia, taapuasiria cukahlangu hata'a,
aucaucani takuacaniau, maivuvurunga patakucuamu patahlumu patasaiti
musiri taparana kutitipana, kumita hlitu'acangurahu cukahlangu, muluvusa
hlikukana, aramuamuaru alalungusu patupatukua taparana, apusiri hata'ana,
piucani hlipatavuhlura tataisa kiu'u, ausihlimu sisiri miasasara hata'a hla

maiatuhluhlu ariatukuranahlamuna.

musa umiataparana kutipatipana rianu hlipairuruma, 'ahliahlivia
hlililia 'ucumu, hlitapana pasahlikua tahliaria, tam mavacangu aisa parana
tumuruna, hlipatahlumuhlua tuu'u hla ta'uhla, aariaariamu maruisana,
tuvacavacangu tumamahlumahlangu musuturu, arupatakialu papuhlu kari,
pasamanganu musuturu, ma ucani parana tumuruna tam mahlumuhla
mapuhli, maranaru sihlangu matahlau. maniki'ai ariatukuranahlamu
kupipakaritukuhla cacalaisa, hla liliunga ariatukurana tam puamahlungu,
tuahlua kumaru kani'i ariatukurana, mangusipi ia tam masasangaru,
kuatuatuhlungu unumicuaku marunani, angahli tikikuhlimu 'aliiva
tupakipuhlu tam alungungau. kani'i paranana ihlaisa paranaku musuturu,
ihlaisa mumua hliparanaku arataisa, tam matumuhlua pahluaiailia.

(文章大意 僅供參考) ※字數限 200 字

我的學校

校園的生活給我留下深刻印象。走進校園，首先看到平坦寬闊的跑道。跑道多為紅色，還有四個籃球架豎立在運動場中，就像四個鋼鐵巨人一樣保護校園。課餘活動時，運動場上頓時沸騰起來，同學們有的踢球、有的跑步，笑聲迴響在整個校園。

運動場正前方是升旗台，兩側有高大挺拔的樹，像忠心耿耿的哨兵守護學校。學校的建築物塗滿了彩色油漆，在陽光照耀下更加美麗，教室裡擺放桌椅，我們在整潔又寬敞的教室學習。